


于佑上帝呂祖寶懺

風陵文庫

文庫19

F281



衛炆戊申敬刊

孚佑上帝呂祖寶懺

抱古閣藏版

京都琉璃廠橋西路北翰藻齋李姓刷印

孚佑上帝聖像



呂祖寶懺

孚佑上帝自誥
化溯皇覃道成上古受玉清之勅旨得元始之心傳久成妙
契於希夷復廣慈光以濟渡有唐貞觀爰降閭浮讀書立品
奉孔孟爲依皈守靜致虛得老莊之秘奧黃梁一夢喚醒真
仙白雲千重仍歸玉闕化成劍氣無非處處金光悟徹菩提
孰識空空妙諦設壇度盡有緣人立愿攜登大羅境南無無
始劫中圓通文尼光明古佛如來化身復證上仙至聖無極
上相玉清上相三清斗雷玉光上相玄霄上相純陽演正警
化孚佑上帝感應無邊度人無量妙道天尊

孚佑上帝玉都師相呂聖真君無極度人寶懺

玉府闡教妙達真人孟珙敬撰

葉赫納喇 桂 祥圓妙敬刊

啟請讚

道法仰尊崇 劍佩玉玲瓏 及門俯首迓金容

鶴駕佇遙空 伐鼓考鐘 震聵起龔

慈光奕奕樹旃幪 咫尺仙宮 三教共從風

大聖靈寶感應大天尊

三稱

淨心神咒

召且寶哉

太上台星 應變無停 驅邪縛魅 保命護身
智慧明淨 心神安寧 三魂永久 魄無喪傾

淨口神咒

丹朱口神 吐穢除氛 舌神正倫 通命養神
羅千齒神 却邪衛真 喉神虎賁 氣神引津
心神丹元 令我通真 思神鍊液 道炁常存

淨身神咒

靈寶天尊 安慰身形 法子魂魄 五臟六冥
青龍白虎 隊仗紛紜 朱雀玄武 侍衛我真

安土地神咒

元始安鎮 普告萬神 嶽瀆真官 土地祇靈
左社右稷 不得忘驚 回向正道 內外澄清
各安方位 備守壇庭 太上有命 搜捕邪精
護法神王 保衛誦經 皈依大道 元亨利貞

淨天地神咒

天地自然 穢氣分散 洞中玄虛 晃朗太元
八方威神 使我自然 靈寶符命 普告九天
乾羅怛那 洞罡太元 斬妖縛邪 度人萬千

中山神咒 元始玉文 持誦一遍 却病延年
按行五嶽 八海知聞 魔王束首 真聖衛軒
兇穢消散 道德成全

金光神咒

天地玄宗 萬炁本根 廣修億劫 證吾神通
三界內外 惟道獨尊 體有金光 覆映吾身
視之不見 聽之不聞 包羅天地 養育羣生
誦持萬遍 身有光明 三界侍衛 五帝司迎
萬神朝禮 役使雷霆 鬼妖喪膽 精怪亡形

內有霹靂 雷神隱名 洞慧交徹 五炁騰騰
金光速現 覆護真人

祝香神咒

道由心洽 心假香傳 香熱玉爐 心存帝前
真靈下盼 仙旆臨軒 令某關告 徑達九天

開懺偈

齋明壇壝上 步虛禮慈容 慈容眷浩蕩
感應不虛空 慧鋒揮化雨 飛鳥曳和風
三教維持大 千年道脈崇 於今迎鶴駕

標緲謁仙蹤

大聖興行妙道大天尊三稱

伏以

大道淵深。開來必先溯往。真宗蕃衍。啟後正宜光前。蒲坂凝祥。首陽毓瑞。咸通得策。放步終南。萃兩間孕育之奇。乾坤間出。大千古公元之化。道德增輝。爲古今第一。至真洵天地無雙。肖子列仙皆道。而妙道更自難名。衆願常行。而興行乃爲最大。萬年道脈。滙諸派以朝宗。三教心源。超百家而作祖。緬惟

玉都師相。呂聖真君。唐儒高蹈。古聖臨凡。夢醒黃梁。心輕紫綬。十試不迷真性。九年而得飛昇。晉階內相。夫玉清善誘。私淑乎尼父。隨方闡教。到處濟人。隱顯無常。三界飛行絕跡。慈悲何限。十方救苦尋聲。覺悟爲懷。吉祥是止。訓必依夫倫理。論不外乎經常。誠意正心。恒勉人以實踐。達材成德。不語物以虛無。妙佛果於仙宗。立道綱之儒派。呼籲殷而響應。宏開拯拔之門。光明照而神周。倍驗感孚之化。教廣又多。廣教傳真。益繼真傳。幾億類幸。荷陶成數千年祀。馨俎豆。昔未曾有。讚莫能窮。茲當清和令節之期。正屬仙衆稱觴之會。雅和鐘

磬敬迓文師爰設香花先延列聖法子等衆虔誠上啟

九天公祖真君

三境三寶天尊

昊天金闕天尊

后土掌劫天尊

五方五老天尊

十極十華天尊

日宮太陽帝君

月府太陰皇君

周御國王天尊

圓明道姥天尊

天皇勾陳天尊

北極紫微天尊

統天元聖天尊

青公救苦天尊

太華元老天尊

玉虛蕩魔天尊

雷聲普化天尊

三元三品天尊

南丹紀壽天尊

旻天醫王天尊

東嶽仁聖天尊

靈華至德天尊

更生永命天尊

神威遠鎮天尊

玉清四相天尊

金闕四相天尊

東華救劫天尊

六洞飛仙天尊

柳石溪梅四大真人

洞府侍班諸大真人

恭望

洪慈俯垂洞鑒

法子

等無任皈身皈命瞻雲迓

鶴屏肅投誠之至

拜請

大師尊鶴筆星冠降紫雲

呂且實載

六

拜請

大師尊仙風道骨靄祥雲

拜請

大師尊昭明感格徧卿雲

無極上咒

乾坤浩蕩 日月光盈 三台朗照 應地安貞

玉都師相 呂聖真君 大慈大憫 大惠大仁

十方三界 六道四生 遇緣斯化 有感必靈

天神拱衛 威將隨行 大災急難 永化微塵

仙宗公教 耀古騰今 太虛無極 聚象成形

口口存道 存道道存 存乎至道 慧炬常明

邪魔遠遁 災障無侵 修持匪懈 道果圓成

上香叩請

啟請唐朝得道祖。仙容幾見岳陽樓。鐵師鳳詔山河重。玉帝龍符肺腑留。鎔鍊形神歸閭苑。逍遙襟袖上瀛洲。杯傾北海天涯際。劍掛南山月角頭。興到方壺乘白鹿。旋來函谷探青牛。丹施五濁慈難量。功積三山願未酬。靜掃金爐瀟岸晚。閒吹玉笛洞庭秋。冬藏白雪芒鞋暖。春養黃芽羽扇幽。獨會公

呂祖寶懺
禪開妙諦。雙完性命。著真修。光圓自在。如來果。警化興修。造
物儔。道德本深。惟信入。仙凡雖隔。一誠投。吾今再四。殷勤請。
幸下雲衢。慰我求。

讚

終南啟教。道法興隆。純陽大化。廣宗風。妙用在丹功。

三教圓通。一點化盲聾。

大聖闡揚三教大天尊。三稱

至心皈命禮

唐朝得道。宋室開公。拜正陽而上輔玉皇。賜寶劍而下降妖。

怪遍現十方。行大化。默遊三界。救羣生。總督九關。傳玉旨。護
持三教。闡金綸。九皇贊仰。煉雲砂。中天職理。叅辰曜。龍沙會
上號。宏師。紫府宮中居法位。宏誓未完。此心不泯。方方垂訓。
處處顯神。大聖大慈。大仁大孝。勅封三十三天。大法宮中。金
蓮臺上。代天宣化。統領衆生。扶理正陽。總督關教。華蓋掌道。
大士警化。孚佑上帝。純陽呂祖天師。親身救劫。誓願度人。真
廣慈尊。

初懺真言

一心上啟。妙道真身。智周天健。德合日新。功侔宣聖。圖演義。

呂祖寶懺

文學傳正大。法立門閤。性道爲教。忠恕爲衡。上度真品。下訓
儒生。深仁莫量。集義難名。容光必照。與時偕行。物無不格。意
無不誠。果能體驗。修身修身。

玉虛呂慈尊。妙證大道身。玄宗啟正教。儒釋覺迷津。

玉虛呂慈尊。妙證威德身。天魔咸懾伏。外道亦皈真。

玉虛呂慈尊。妙證堅固身。萬劫恒超越。爐金百煉新。

玉虛呂慈尊。妙證功德身。三界有情屬。羣叨普度恩。

玉虛呂慈尊。妙證良醫身。仙丹隨意捨。拯救有緣人。

玉虛呂慈尊。妙證無等身。萬神齊景仰。頂相妙難倫。

玉虛呂慈尊。妙證道藏身。發語皆謨訓。諸天共樂聞。

玉虛呂慈尊。妙證自在身。跨鶴朝天闕。逍遙步玉京。

玉虛呂慈尊。妙證清淨身。高捧蓮華座。圓通迥絕塵。

玉虛呂慈尊。妙證光明身。亭亭紅日出。法界盡陽春。

玉虛呂慈尊。妙證神通身。分形千萬億。變化廣無垠。

玉虛呂慈尊。妙證慈悲身。四生並六道。超拔脫沉淪。

恭惟

孚佑帝君。自奉度人勅。特垂濟世言。築基仍素位。明德乃修
身。忠孝敦其本。綱常盡在人。虛靈涵月窟。存養覓天根。無息

方希聖。如愚是學仙。德堪凝妙道。性可結真丹。禮復神皆返。
仁歸氣亦還。持躬能得地。至命卽知天。聲臭無名裏。圖書有
象先。誠明鎔慧火。定靜煉靈鉛。周易說會撰。同叅理溯原。都
成心內法。豈等世間交。見大通無礙。合機界不分。世人能領
悟。皈命禮慈尊。

至心朝禮

貞元降鶴純陽妙道天尊
夢覺黃梁純陽妙道天尊
棄家散產純陽妙道天尊

歷試堅貞純陽妙道天尊
匡廬遯跡純陽妙道天尊
鶴嶺從遊純陽妙道天尊
火龍遁劍純陽妙道天尊
靈寶傳經純陽妙道天尊
羽谷昇玄純陽妙道天尊
紫雲授館純陽妙道天尊
君山玩月純陽妙道天尊
黃鶴題詩純陽妙道天尊

金玉留經純陽妙道天尊
智度贈偈純陽妙道天尊
黃雲覆頂純陽妙道天尊
禪寺植樟純陽妙道天尊
華蓋掌道純陽妙道天尊
玉虛煉丹純陽妙道天尊
江南遺藥純陽妙道天尊
守谷書詞純陽妙道天尊
鵠磯示現純陽妙道天尊

鈞突傳真純陽妙道天尊
肘貽丹篆純陽妙道天尊
規土竒香純陽妙道天尊
五雷妙應純陽妙道天尊
三教合衡純陽妙道天尊
玄應祖師純陽妙道天尊

讚

玉清內相 高步瓊階 慈悲廣大福無涯 四海盡關懷
接引凡儕 法性莫深埋

大聖慈悲接引大天尊三稱

至心皈命禮

蕭字太臣。香林仙宰。道冠八洞。金函職奉。三清玉勅。冰壺煉
炁。結祥靄於太乙之扉。星劍騰輝。印寶光於上樞之殿。綸巾
貫異德之風。羽袖本乾元之體。採雲芝。化金龍於元鼎。成霧
柳。變玉虎於瓊瑤。神貫日烏。氣吐丹虹。萬里精凝。月兔光開。
珠露千霄。醉鶴垂綸。法振五雷。號令飛鸞。執拂。身為三教綱
維。慧力開空。威風攝祟。大聖大慈。大仁大孝。玉清協化。紫洞
持宗。天曹逸史。瑤池較錄。西竺明公。北極梵宰。三界行人。六

府選仙。靈通肇化。玄都孚佑帝君。純陽演正。興行持劫。妙道
濟世天尊。

懺真言

重行申告。仰溯慈心。積功爲德。普愛爲仁。願深莫測。志廣難
倫。無邊化雨。有脚陽春。大周華藏。細入微塵。如蓮之馥。如玉
之溫。粟藏世界。鐺糞乾坤。滿施甘露。溥蔭祥雲。慈航具在。彼
岸來登。有能頂戴。洗心洗心。

玉虛呂慈尊。常存祝國心。風調兼雨順。聖世樂昇平。

玉虛呂慈尊。常存裕民心。年豐歌大有。鼓腹慶盈寧。

玉虛呂慈尊常存錫福心。奉真如不倦。純嘏自駢臻。
玉虛呂慈尊常存阜財心。能將義爲利。望氣識金銀。
玉虛呂慈尊常存益壽心。崇公端素履。夔鑠著精神。
玉虛呂慈尊常存延嗣心。投誠歸至教。堪許毓祥麟。
玉虛呂慈尊常存宥罪心。果能真懺悔。宿業已離塵。
玉虛呂慈尊常存解厄心。清齋兼供養。吉曜定來臨。
玉虛呂慈尊常存救苦心。抱疴持寶號。除病免吟呻。
玉虛呂慈尊常存起死心。隨方施妙藥。一粒返生魂。
玉虛呂慈尊常存利幽心。放光消罪障。水火濟陰靈。

玉虛呂慈尊常存育物心。負氣叨靈氣。含生得遂生。

恭惟

孚佑帝君得法黃龍後。宗乘更一新。壺中藏日月。鉢內起風
雲。劍斷恩和愛。丹融根與塵。妙空原不着。超化更爲神。行等
觀音願。名同自在稱。拈花成昔契。了果悟前因。龕貯千山月。
堂開萬佛燈。終南洵捷徑。壽世自無生。能解色成妙。應知氣
也春。虎龍歸寂定。離坎印圓明。莫謂禪無實。當思慧在身。聖
修還證道。真佛亦加文。悲憫心何極。感孚願必申。世人能領
悟。皈命禮慈尊。

至心朝禮

神貫日烏純陽妙道天尊
精凝月兔純陽妙道天尊
冰壺煉炁純陽妙道天尊
星劍騰輝純陽妙道天尊
功修紫籙純陽妙道天尊
法顯蓉城純陽妙道天尊
舟引國舅純陽妙道天尊
路指仙姑純陽妙道天尊

東溟顯聖純陽妙道天尊
仙統秘傳純陽妙道天尊
鄉國歸詠純陽妙道天尊
伊闕揮毫純陽妙道天尊
三山顯化純陽妙道天尊
玉會扶教純陽妙道天尊
重陽傳訣純陽妙道天尊
樵陽啟化純陽妙道天尊
榴皮畫壁純陽妙道天尊

仙桂分衡純陽妙道天尊

在陸肇祥純陽妙道天尊

仙崖題賦純陽妙道天尊

玩樂留箴純陽妙道天尊

覺壇說戒純陽妙道天尊

真境傳書純陽妙道天尊

江天靈蹟純陽妙道天尊

三界恩師純陽妙道天尊

四生慈父純陽妙道天尊

真廣孚佑純陽妙道天尊

讚

慈悲道祖 化度無邊 談禪說法利人天 寶鼎結金蓮

光被三千 月印萬川圓

大聖隨方化度大天尊 三稱

至心皈命禮

玉清內相金闕選仙。化身為三教之師。掌法判五雷之令。黃
梁夢覺。忘世上之功名。寶劍光騰。掃人間之妖怪。四生六道。
有感必孚。三界十方。無求不應。黃鶴樓中留聖蹟。玉清殿內

煉丹砂。存芝像於山崖。顯仙蹤於古洞。行法門之香火。作玄
嗣之梯航。大聖大慈。大仁大孝。開山啟教。元應祖師。天雷上
相。靈寶真人。純陽演正。警化孚佑帝君。興行妙道天尊。

三懺真言

三陳贊頌。普度世人。品分高下。論無疎親。等觀貴賤。一視富
貧。俾安其業。俾遂其情。首崇倫紀。次重言行。中正平易。簡要
深純。昔任琴堂。惟務愛民。儒中大士。官內仙真。曳登雲履。戴
華陽巾。恍兮至止。度人度人。

玉虛呂慈尊。佑彼衰老人。筋力恒康健。何嘗受苦辛。

玉虛呂慈尊。佑彼幼稚人。撫育看成立。崢嶸頭角新。

玉虛呂慈尊。佑彼居官人。扶搖能直上。遷轉荷恩榮。

玉虛呂慈尊。佑彼爲士人。風簷開妙想。一舉便成名。

玉虛呂慈尊。佑彼作農人。力田敦孝弟。嘻嘻樂豐盈。

玉虛呂慈尊。佑彼業工人。技能勤演習。精巧定無倫。

玉虛呂慈尊。佑彼商旅人。征路千程穩。財源數倍增。

玉虛呂慈尊。佑彼婦女人。孝姑兼教子。代代旺兒孫。

玉虛呂慈尊。佑彼孤獨人。安閒堪自立。無復歎伶仃。

玉虛呂慈尊。佑彼僕隸人。守分無欺詐。何嫌賤與貧。

玉虛呂慈尊。佑彼殘疾人。但期心向善。神旺體超羣。

玉虛呂慈尊。佑彼罪犯人。一心勤誦禱。逢赦得全生。

恭惟

孚佑帝君。衆庶皆垂念。慈悲難具陳。百方思接引。億類荷陶
鈞。第使齋明格。能令智慧生。不愁無響應。何患有災迤。因病
頻施藥。隨緣卽化人。靈通真不測。思議詎能論。妙用隨時顯。
威光逐日新。四方留勝蹟。三界結良因。袖拂千家月。曾騰萬
里雲。聞聲堪消戾。見相合皈神。純信仙應福。多疑鬼亦嗔。願
宏寧有盡。恩重更無倫。一點誠相契。遙天鑒已真。世人能領

悟。皈命禮慈尊。

至心朝禮

口口相傳純陽妙道天尊

回心勸度純陽妙道天尊

無上宮主純陽妙道天尊

昌老虛中純陽妙道天尊

元圭避惡純陽妙道天尊

後養留名純陽妙道天尊

補蹊樵客純陽妙道天尊

弱島漁翁純陽妙道天尊

寶師顯法純陽妙道天尊

會邵談易純陽妙道天尊

青城鶴會純陽妙道天尊

白雲挂搭純陽妙道天尊

寶籙格非純陽妙道天尊

景雲攝崇純陽妙道天尊

神光繪像純陽妙道天尊

寶輪現相純陽妙道天尊

華陽市藥純陽妙道天尊

成都施丹純陽妙道天尊

武昌貨棗純陽妙道天尊

黃鵠賣桃純陽妙道天尊

岳陽留珮純陽妙道天尊

邯鄲授枕純陽妙道天尊

大雲會食純陽妙道天尊

治圃解經純陽妙道天尊

南津黃襖純陽妙道天尊

海上紅雲純陽妙道天尊

圓通感應純陽妙道天尊

讚

金丹甘露 無上醫王 天仙廣化派綿長 妙道信難量

日出扶桑 稽首頌無疆

大聖天仙啟派大天尊三稱

至心皈命禮

虛微公奧。靜化幽冥。演無上之玄元。消萬劫之罪果。降魔度世。立道超迷。功高上洞之雷司。德庇人天之世界。大慈大化。

大願天尊。隱顯萬方。逍遙億國。興天地之體。共日月之照。掌三十六極之仙銜。管七百八界之神冊。立洪洪大志。度億億凡生。最高最上。廣化廣仁。玄玄應化。功高普度。億感大成。萬正紫極真人。垂慈接教。伏邪警世。帝君興行妙道天尊。

四懺真言

四杼丹悃。上達聖真。天仙立派。妙道常明。千年宗祖。萬世師程。廣開宏願。汲引羣英。始消污染。繼化聾盲。體能清淨。性乃淵淳。教離世網。來看蓬瀛。竿頭進步。脚下超登。眼前覺海。心內法城。咫尺雲路。成真成真。

玉虛呂慈尊。化殺業成真。屠刀如放下。立地出埃塵。
玉虛呂慈尊。化盜業成真。一介何曾取。高風自不羣。
玉虛呂慈尊。化姪業成真。看穿迷眼相。不復戀摩登。
玉虛呂慈尊。化貪業成真。見聞皆不染。色相任羅陳。
玉虛呂慈尊。化嗔業成真。能下胸中氣。清涼境已成。
玉虛呂慈尊。化癡業成真。迷途知未遠。了悟自惺惺。
玉虛呂慈尊。化誑語成真。言得人爲信。方知不二門。
玉虛呂慈尊。化嫉妬成真。坦平心地好。何處有荆榛。
玉虛呂慈尊。化爐火成真。汞鉛休外覓。箇裏火溫溫。

玉虛呂慈尊。化彼家成真。莫從速死法。夫婦在吾身。
玉虛呂慈尊。化盲修成真。不得天仙訣。難成一粒珍。
玉虛呂慈尊。化浮動成真。識神皆幻想。實煉結胎仙。

恭惟

孚佑帝君。一體融三教。清虛最上班。仙成留宇宙。腹內立坤
乾。嫡嗣分南北。天仙肇本原。輝今兼邁古。軼後更超前。太上
龍門啟。鍾離大法延。萬真支廣育。三祖派宏宣。位合生成數。
才符造化全。水皆歸海量。山總溯崑源。宮闕成重建。門牆皆
上仙。聖從盤古紀。圖授希夷傳。道德經疊注。金剛解更鐫。千

壇接衆善。七覺惠羣賢。試看丹書煥。憑將妙道詮。世人能領悟。皈命禮慈尊。

至心朝禮

還丹授要純陽妙道天尊

度柳成真純陽妙道天尊

畫灰過化純陽妙道天尊

竅紙存神純陽妙道天尊

南康度孝純陽妙道天尊

廣陵救貧純陽妙道天尊

天慶靈通純陽妙道天尊

巴陵繪像純陽妙道天尊

長沙警釋純陽妙道天尊

景德度僧純陽妙道天尊

台州退漲純陽妙道天尊

玉樓喚醒純陽妙道天尊

絳紗裹藥純陽妙道天尊

管片揚波純陽妙道天尊

重光古鏡純陽妙道天尊

一轉金刀純陽妙道天尊
 遺墨成金純陽妙道天尊
 投梳躍浪純陽妙道天尊
 廬山淬劍純陽妙道天尊
 羅浮畫山純陽妙道天尊
 鶴飛庾嶺純陽妙道天尊
 鱸活江濱純陽妙道天尊
 茗餘錫福純陽妙道天尊
 席奏仙音純陽妙道天尊

東岱降虬純陽妙道天尊
 西神伏虎純陽妙道天尊
 光圓自在純陽妙道天尊

回向

伏念人生之大事惟道。學道之大功惟丹。初自祖劫。原於炁始。實天人合一之妙。為古今不二之門。鎔之為坎離。藏之為性命。擴之為乾坤。結之為日月。然無師之智。終落空亡。有本之修。乃堪成立。諸家異路。罕得妙道之傳。正派獨尊。大啟興行之嗣。緬惟

呂祖寶訓
純陽道祖。呂聖慈尊。度人億萬。四申稱頌。而挂漏猶多。竭意再三。五體匍匐。而懇求無盡。清心釋慮。祈憑慧照。而斬羣魔。絕慾忘情。恒仗靈符。而攻六賊。牖我衷而萬緣弗挂。火裏蓮生。覺他心而五蘊皆空。水中月現。神歸四大。惟願純粹以精。氣運一身。更冀合同而化。多生有幸。實深頂戴之恩。曠劫難逢。備極生成之感。道實包夫天地。德更妙乎形神。體之自知。求無弗應。修公欲進步。速入門來。大道不虧人。看上天去。弟子等無任瞻送。鶴駕懼忭。祈恩之至。爲上良因。再申稱念。

純陽妙道天尊。三稱 單恩不可思議功德。

收讚

樵陽啟化 七覺傳經 玉松印合大緣因 無極度人心

頂禮師真 超證上瑤京

大聖靈寶感應大天尊。三稱

自皈依道 當願衆生 常侍天尊 永脫輪迴

自皈依經 當願衆生 生生世世 得聞正法

自皈依師 當願衆生 學最上乘 不落邪見

孚佑上帝救苦難神咒

至心皈老祖。求脫人間苦。疾病無纏綿。安寧天擁護。十千十
二支。二十八宿主。天神玉女聞。盡皆降吾杵。寶劍自光芒。殺
斬妖敢阻。葫蘆貯靈丹。度盡凡夫苦。牢獄枷鎖災。水火竝瘟
疔。音母刀兵急厄臨。路中逢險阻。一切苦相榮。持此化成土。隨
念隨時來。降我吉星輔。過去盡生方。見存賴恩主。一聲誦永
寧。全家伏龍虎。有此聖靈章。萬魔咸束首。太上呂真君。急急
如律令勅。

孚佑上帝滌氛神咒

三界如牢獄。衆生如癰瘡。欲拔一切苦。願作大醫王。太極先
天。混沌大千。兩儀瀰漫。三界渾然。萬神受命。一炁綿綿。哀愍
衆生。性被慾牽。機巧變詐。忍爲不賢。諸神震怒。運劫歷年。水
旱瘟戈。滌音狄蕩塵寰。嚎聲遍野。孽氛叢煙。太乙救苦。聖念愍
惻。週行宇宙。無不垂憐。設教闡經。如駕法船。帝德好生。天語
傳宣。衆等諦聽。免墮孽淵。是大經咒。慧日高懸。無處不照。晃
朗虛空。若有男女。一念頓專。或誦十遍。或百千遍。縱有孽冤。
不敢相纏。魑音痴魅魍魎。跡遁形潛。藻鑑善心。不被惡遷。地獄
縱潤。我念無偏。明衣潔體。無有間斷。如此恒持。乃可登仙。

附

柳真君誥

呂祖首座弟子諱榮號青青子清微三品告成奉元始勅命晉秩真君之職

無上公功。玉樞妙果。昭靈應於十方。運慈心於一切。開壇啟教。賴弘力之護持。濟困扶危。建殊勲之烜赫。受玉清元始之誥命。贊九天應元之神功。仁風遐暢。宇宙霽春日之和。祥光徧覆。天人瞻紫雲而集道。極無為。大通莫測。大慈大願。至神至仁。左輔元化。無上極尊。玉樞右宰。弘教真君。葛天君誥。天君諱明揚為呂祖涵三主將清微三品告成同受元始誥命晉秩佐化宣通之職中天主將。護法神王。燮理陰陽。一炁轉鴻鈞之化。總核雷霆。九天普澤育之仁。運神功於廣漠。顯靈應於虛空。至大

至剛。鼓舞皇風於三界。極公極聖。博施法雨於九幽。警聾

聵之邪心。開屯音肫蒙之正覺。威光徧燭。道氣常存。大聖大

神。大悲大願。九天宣化。總司五雷。監正仙籍。功過黜陟。統

帥江湖。行雨龍王。佐化宣道神君。萬法大通天尊。

王仙師誥

諱真字通機號我眉子參同經之演仙師與有力焉亦呂祖弟子也

昔為洞宰。今證仙王。我眉默運神機。宏願力而靈光赫奕。崆峒受叅大法。昭星象而神炁朗開。瑞應玄都上品。身飛紫極層宮。三禱彌羅真境。發弘誓而宣化行仁。九叩太梵主天。演元音而救人度劫。監正南宮神事。握運西斗素天。

慈惠虛皇。仁能宏老。大悲大願。無上聖師。靈感教主。虛靈
神妙。顯化真君。

孚佑上帝心經

呂帝曰。天生萬物。惟人最靈。匪人能靈。實心是靈。心爲主宰。
一身之君。役使百骸。區處羣情。物無其物。形無其形。稟受於
天。良知良能。氣拘欲蔽。日失其真。此心旣失。此心亦傾。欲善
其身。先治其心。治心如何。卽心治心。以老老心。治不孝心。以
長長心。治不悌心。以委治心。治不忠心。以誠恪心。治不信心。
以恭敬心。治無禮心。以循理心。治無義心。以清介心。治無廉
心。以自愛心。治無恥心。以積德心。治爲惡心。以利濟心。治殘
賊心。以匡扶心。治傾陷心。以仁慈心。治暴戾心。以謙遜心。治

傲慢心。以損抑心。治盈滿心。以儉約心。治驕奢心。以勤慎心。
治怠忽心。以坦夷心。治危險心。以忠厚心。治刻薄心。以和平
心。治忿恚心。以寬洪心。治褊窄心。以傷身心。治沉湎心。以妻
女心。治姦淫心。以果報心。治姦奪心。以禍患心。治鬪狠心。以
正教心。治異端心。以至信心。治大疑心。以悠久心。治無恒心。
以始終心。治反覆心。以施與心。治慳吝心。以自然心。治勉強
心。以安分心。治非望心。以順受心。治怨尤心。以推誠心。治猜
忌心。以鎮定心。治搖惑心。以中正心。治偏袒心。以大體心。治
細務心。嗟乎人心。不治不純。如彼亂絲。不理不清。如彼古鏡。

不磨不明。如彼劣馬。不勒不馴。我故說經。欲治人心。人心得
治。天地清寧。

偈曰

一切惟心心最危

範天圍地發光輝

天心卽在人心見

人合天心天弗違


葉河桂 祥圓鈔

長白常 存誠鈔

宛平賈繼昌明鈔

全捐資敬刊

襄平蔣道軫修鈔



--	--	--	--	--	--	--	--	--	--

臣亦筆憎

三

